

Lindås kommune

Att:

Felles postmottak Kvernhusmyrane 20
5914 ISDALSTØ

Lindås kommune - Uttale til 1. gangs høyring og offentleg ettersyn av kommunedelplan Knarvik-Alversund med Alverstraumen 2019-2031

Vi viser til brev fra Lindås kommune datert 02.07.2019 om ovannemnde sak.

Planprosess og medverknad

Fiskeridirektoratet region Vest kan ikkje sjå at vi har fått varsel om oppstart av arbeid med kommunedelplanen. Vi har dermed ikkje kome med innspel til kommunedelplanen.

Vår rolle

Fiskeridirektoratet er styresmaktene sitt rådgjevande organ innanfor fiskeri- og havbruksforvaltninga. I saker som får følgjer for desse næringane er det vårt ansvar å sikre deira interesser samstundes som vi skal sikre omsynet til det marine biologiske mangfaldet. Dei marine leve- og oppvekstområda, som til dømes gytefelt, er særleg viktige å ta vare på, slik at komande generasjonar også kan hauste frå havet.

Uttale frå Fiskeridirektoratet region Vest

Vedlagt er eit kartutsnitt av registeringar i området Knarvik, Alversund og Alverstraumen. Data om registrerte kystnære fiskeområde, løyve til å drive akvakultur og registrert marint biologisk mangfold finn de i kartløysinga på Fiskeridirektoratet si heimeside www.fiskeridir.no. Kartløysinga er open for alle og data om kystnære fiskeområde og godkjende akvakulturlokalitetar kan lastast ned til SOSI- og SHAPE-format.

Innspel og kommentarar til kommunedelplanen:

Fiskeriinteresser og marint biologisk mangfold

- Plankartet

Vi ser positivt på at de har sett av registrerte fiskeområde, gytefelt og rekefelt som einkategori Fiske. Det er registrert eit korallrev nordvest for Tjuvholmen, sørvest for Radtangen. Vi ber om at plassering og omfang vert nærmere undersøkt med

Havforskningsinstituttet, som har registrert korallrevet. Behov for omsynssone bør fastsettast og vurderast etter nærmere kontakt med HI.

- Føresegnene

Det er positivt at det er knytt føresegner til områder sett av til fiske og at desse er tydelege på at det ikkje kan tillatast tiltak som er til ulempe for utøving av fiske eller som kan hindre torsken sin gytessuksess innanfor området. Vi er også glade for at det kjem fram at Fiskeridirektoratet skal høyrast ved regulering av sjøområde og tiltak i sjø. I føresegnene § 3.5.8. *Gyteområde* og § 3.5.9. *Trålfelt for reke* må det heller stå at søkerad om tiltak i eller i nærleiken av felta skal leggast fram for Fiskeridirektoratet for uttale, ikkje fiskeridirektøren.

Når det gjeld korallrevet nemnt ovanfor, kan dette leggast under omsyn naturmiljø (H560).

Akvakultur

- Plankartet

Vi kan ikkje sjå at det er lagt på omsynssone rundt eksisterande akvakulturlokalitetar, slik det står i føresegnene. Korleis skal dette synleggjerast? Elles framstår i utgangspunktet plankartet som tydeleg på kva områder som er sett av til akvakultur, men vi tykkjer det er vanskeleg å finne igjen føremålet kombinerte føremål akvakultur og farlei. Dette gjer seg kanskje ikkje gjeldande i denne kommunderplanen, då det ikkje vert lagt opp til nye område for akvakultur i Knarvik-Alversund?

Det er viktig at det vert sett av tilstrekkeleg areal til akvakultur slik at ein unngår dispensasjonssøknadar om det er behov for justeringar av anleggskonfigurasjonar (til dømes overgang frå kompakte stålanlegg til meir plasskrevjande plastringanlegg). I denne kommunderplanen gjer dette seg gjeldande for område sett av til akvakultur på lokaliteten Ramsvik. Området i arealplanen som er sett av til akvakultur stemmer ikkje med tillatelsen til anlegget. Dette bør justerast slik at den faktiske plasseringa til anlegget ikkje vert liggande utanfor område satt av til VA. Vi minner også om at fortøyinger ofte strekk seg utanom område sett av til akvakultur.

- Føresegnene

Det bør framgå av føresegnerne at fortøyinger til akvakulturanlegg/havbruksanlegg kan strekke seg utanom område sett av til akvakultur, men ikkje inn i område sett av til einkategori fiskeområde. Fortøyinger som strekk seg inn i reketrålfelt vil vere til hinder for tråling.

Vi kan ikkje finne føremålet FAK (område med potensial for akvakultur) i plankartet, og vi går derfor ut frå at dette føremålet ikkje er aktuelt for denne planen. Dersom dette er tilfelle bør det som står om FAK i føresegnene takast ut. Dette vil gjere at planen vil bli klarare.

Vi føreset at våre innspel vert tekne til følgje og ber om å få tilsendt vedteken plan. For spørsmål knytt til vår uttale kan de ta kontakt med sakshandsamar.



Med helsing

Leni Marie Lisæter
seksjonssjef

Ina Giil Solheim
rådgiver

Brevet er godkjent elektronisk og vert sendt utan handskriven underskrift.

Mottakarliste:

Lindås kommune	Felles postmottak	5914	ISDALSTØ
	Kvernhusmyrane 20		

Kopi til:


Fiskarlaget Vest	Slottsgaten 3	5003	BERGEN
Fylkesmannen i Vestland	Njøsavegen 2	6863	LEIKANGER
Hordaland fylkeskommune	Postboks 7900	5020	BERGEN
Kystverket	Postboks 1502	6025	ÅLESUND

Vedlegg

Kart kommunedelplan Knarvik Alversund



FISKERIDIREKTORATET



Tegnforklaring

Fiskerihavner

■ Fiskerihavner

Anløpskai fiskeri

● Kai

Israndavsetninger

■ Israndavsetning

■ Israndavsetning

Gytefelt torsk MB

■■■ Gytefelt torsk MB

Korallrev

●

Israndavsetninger

■ Israndavsetning

■ Israndavsetning

Gytefelt torsk MB

■■■ Gytefelt torsk MB

Gyteområder

■■ Gyteområde

Oppvekst - beiteområde

■■ Oppvekst - beiteområde

Fiskeplasser - Aktive redskap

■■■ Fiskeplass - aktive redskap

Fiskeplasser - Passive redskap

■■■ Fiskeplasser - passive redskap

Rekefelt - Aktive redskap

■■■ Fiskeplass - aktive redskap

Låssettingsplasser

■ Låssettingsplasser

Skjellforekomst

■■ Skjellforekomst

Stortare

■■ Tare

Akvakultur - lokaliteter

● Godkjente lokaliteter